



# En dizro euz Pardon Sant-Egarek

## I

O pardona me a zo bet  
E ron lon la, lantigouda  
O pardona me a zo bet  
E chapel Sant Egarek. (3 gwech)

## II

Hag en eur zizrei ac'hano  
Ne welen nemed touriou.

## III

Hag a ioa enno kleier  
N' doa ket a vazoulennou.

## IV

Hag a zone oll ker skedik  
Evel ma ra ar muzik.

## V

Ha me klevet eun durzunel  
O kana war he bodenn.

## VI

Dre he c'hanaouenn e lare :  
« Da vestrez-te zo klanvet. »

## VII

Na me ober eur pennad red  
En aviz mont d'he gwelet.

## VIII

Er wech kenta m'oan eat en ti  
Oa war ar bank o c'hoari.

## IX

En eilved tro m'oan eat en ti  
Oa 'r beleg ouz he noui.

## X

En drede tro m'oan eat en ti  
Oa war an daol lienet.

XI

Ha me ha kommans da ouela  
« Na petra rin-me brema ? »

XII

Va c'hamarad a laras d'in  
« Na te zo sot o ouela. »

XIII

« O ve'a m'eo maro Gwillamet  
» N' ket maro an oll verc'hed. »

XIV

« E Lesneven er ru Nevez  
» M'euz choazet peder mestrez. »

XV

« Ha diou anezo a zo koant  
» 'N diou all a zo nestamant. »

XVI

An diou goanta a gemerjont  
Hag an diou all a lezjont.

XVII

An diou entre a lavare  
« Hor c'hasit ganeoc'h ive. »

XVIII

— « Er wech all pa deufomp en dro  
» Neuze ni ho kemero. »

XIX

— « 'Benn ar wech all pa deuoc'h en dro,  
» Neuze ni a vò maro. »

XX

« Ha war hor bez e vò savet  
» Peder rozenn ar gaëra. »

XXI

« Unanik ruz, unanik wenn,  
» Unan c'hlaz, unan welen. »

XXII

« Roz klemm a ziou, roz nec'h a gleiz  
» Keuz ha rann-galon e kreizl »

Destumet gant J. M. an NAN, euz a Zant-Nouga.